

docsjw.com 文川网
入驻商家 古籍书城
在文川网搜索古籍书城 获取更多电子书

中國方志叢書·華中地方·第五五號

據清·吳士進修·吳世榮增修
清·光緒九年增修重刊本 影印

浙江省

嚴州府志

(一)

成文出版社有限公司印行



10097772

嚴州府志

光緒八年歲次
壬午仲夏開雕

docsriver 文川网
入驻商家 古籍书城

在文川网搜索古籍书城 获取更多电子书

重刊嚴州府志序

修志與作史異龍門叙三皇至秦漢之事為書祇一百三十卷其後一代之書卷帙多增於遷書至宋史分為四百九十六卷矣史才之優絀難以尋丈計修志則不然某郡某縣之志則必某器某縣之疆域山川人物風俗學校選舉金石藝文以及一切興

卷首

廢沿革建造之事搜羅必廣年月必書庶足備後世史臣之採擇論者謂明康海武功志僅三卷其簡要為歷代志書之冠非通論也嚴陵於宋為睦州後改遂安軍紹興年間有遂安軍志若干卷度宗嘗領節度使即位後升為府於是教授鄭瑤學錄方仁榮譔景定嚴州續志十卷附錄於紹

興舊志之後今紹興志軼不傳而景定志猶有存者其戶口門載甯宗楊皇后為嚴州人足以訂宋史之謬固地志之善本也自是以後嚴州志多不傳其傳者祇萬歷志二十四卷而已卷首題名不著誤人或曰主修或曰同修或曰纂修或曰續修或曰彙集體裁贅襍其不及景定志遠矣

卷首

二

國朝康熙二十二年郡守任君重輯府志至乾隆二十一吳守士進始槩行之其書差勝於萬歷志今嚴州守桐城吳君春泉重刻是書問序於予予奉

命巡是邦二年於茲矣搜輯文獻固分內事而吳君獨先予為之則其勤於民事也可知雖然予聞嚴陵山水甲天

下自嚴先生後山林隱逸之士多有
崇尚氣節維持世風者若唐之施肩
吾方干徐凝周樸宋之方夔何夢桂
其著也謝皋羽遭亂後亦嘗流寓其
地至今讀西臺慟哭記猶慄然有生
氣方今新遭亂離嚴州為新安下流
被禍尤烈豈無一二隱君子矢志不
屈如皋羽其人者吳君擬援景定志

卷首

三

例於舊志附刻數卷幸博訪而備登
之無使潛德幽光湮沒於

聖明之世此則予之所厚望也是為序

光緒九年太歲在昭陽協洽相月上
旬二品廕生花翎三品銜分巡浙江
金衢嚴道兼管水利事務長白聯綬
誤

自古記載之書未始增新志莫如
守舊獨至之遠年湮編殘簡以
不惟增新難且守舊亦難是不得
不急求守舊之策也按嚴州府志
係前明太守呂公昌期所修近已不可
得見嗣後惟康熙二十二年前守

卷首

任公風厚所輯錄為乾隆二十年前
守吳公大進所刊行者最稱詳備按
吳序已云志書終有前守任公所鈔
錄者為草創底稿而自任守以後
至今七十餘年漫志紀錄散佚甚多
矣以自吳守序刻任稿以後至今

又越百二十餘年其散佚者可復向哉
余於光緒戊寅十二月奉

命來守是邦檢查郡志僅有二十六卷
雖是殘缺者是蘭亭初印余於是
廣搜博訪編為年餘竟有異書
荆州之憾庚辰秋桐廬司訓海墘

卷首

二

萬君鵬年 未郡送試袖出全書惜
印時板已漫漶字跡半多模糊仍未
得窺全豹每思校正翻刻山城僻陋
手民歟難與人言去歲向衢州府志刻成
因居教授較甫鄒君相森 赴衢訪覓
梓工重鐫後函商前分水司諭士伯

許君仁杰於杭州府通志局假得浙江

通志並嚴州舊志補缺訂訛卷帙粗

成完備或疑此志已久常有續增第

六為縣志未成府志即欲續增幸

下手人能以坦新相待余惟以守舊

自期實得舊志刊板印奉銷亡鄰

卷首

三

盡若再任其散佚勢必至一郡六邑

文苑無徵何如憑此翻刻奉以湖

淵源者有以存什一於千百此余所接

卷太息諫者不得已而出於翻刻去

也後之覽者或名諫余之苦衷而

怒其謫陋歎若夫忠孝節義姓

名有案卷可稽者擬附刻三卷以免日

久湮沒此外人物鄉賢限於採訪未

及備登其職名選舉姓名及士子

登科入貢有可查考者均擬分別附

列所有未盡一切事宜留待後素

博雅君子統集大成以垂法久遠焉

卷首

四

光緒九年歲次癸未夏五月三日銜

補用道知嚴州府事調補杭州府知

府相城吳世榮謹後并書

胡序

胡拱辰

太守李公重修嚴陵志成屬予序焉予惟夏之禹貢周之職方志之始也春秋之列國史秦之丞相府圖蕭漢之司空輿地圖志之漸也唐宋之地圖宋之圖經明之郡縣志志之備也秦漢以上無庸考矣地圖在唐三年一修上之在宋開年一修上之圖經又在大中祥符中修之儒臣而頒之天下郡縣志在永樂景泰中凡再修而再上焉地圖未之見圖經猶有存者而郡縣志今皆採入大明一統志矣唐宋出常制國朝出特命顧此何自耶蓋景泰中嚴郡所修之志錄本上之翰林副本存之郡學今四十年矣公

嚴州府志

乃取而重修之也予嘗觀之舊志所書有若沿革分野疆域山川之類無所損益今則仍之而已其他事物遺者則補之誤者則正之來者則續之而各有微意存焉夫郡置守有欲有刑郡之所由治也縣置有丞有簿縣之所由治也郡縣治守令賢矣生養遂戶口增矣作息均田野闢矣播種時物產登矣衣食資賦足矣由是教化行而風俗美焉絃誦聞而學校興焉誠敬將而禮禮舉焉德業修而科目盛焉賢俊用而人物見焉不特此也高尚之士道學之儒世嘗有其人矣而忠臣孝子義夫節婦何代無之哉至若山川之秀鍾於人也或有神靈之及物壇廟之祀

嚴州府志

著於今也或有功德之在人冥頑怙終必置之法而刑獄不可無刑盜竊發必加之兵而武衛不可缺解守所以出治郵驛所以傳命舟楫橋梁所以濟眾陂塘塢堰所以利農與夫積聚有倉阜財有庫恤孤有院聽訟有亭勸士有坊樂賓有館古蹟有禪於登臨遺事有廣於聞見詩文有關於世教行遺有切於時宜若此之類所以補之正之績之者其亦多矣此外非道之同君子所不與也非理之正聖人所不語也而寺觀仙釋舊志必為之書以備參考以垂鑒戒者今亦仍之嗟乎命出先朝事因前守創不肖乎已也同修者二郡僚校正者一儒生勞不涉乎毫楮

之屬一皆給之公儲之餘費不及乎民也不有識見與才力者其能然乎然則一郡事物之舉職誠非小補也而千載文獻之足徵豈非嘉惠哉予辭不敏不獲已而勉為之序於名德恢東安人一門五世孝友忠義之為曾位勳業之隆文學科名之著時鮮及云

呂序

知府 呂昌期

常聞人無幽顯道在則尊地無豐備人傑則靈則郡邑之所由著名可想也士君子立身寰區匪出即處處不能絕塵全出不能肩鴻鉅無為貴出處矣余常尚友古先至漢宋間輒津津慕子陵希文其人願為執鞭而不得歲萬歷庚戌奉天子命來守嚴邦自慙孱弱不足當名郡下車之日見其厥土隘而瘠非有平原沃野之地也城郭淺而庫非有連雲接漢之勝也民遭飢饉之後戶口凋殘非有穀擊肩摩之眾也山麓系石為田僅收鐘釜非有千倉萬箱之蓄也無糧可輸祇以山蠶入帛非有飛芻輓粟烟艦相

嚴州府志

一

仰之賦也則竊訝所稱名郡者安在已而借二三僚友尋幽選勝觀夫錦峯綉嶺競秀爭奇紫綠萬形掩映衣袂又觀夫巨浸奔濤襟江帶海清流澈底可鑒鬚眉游於斯者若骨曳青玉身入鏡中也夫然後知山川形勝之美甲於兩浙他郡邑當避舍矣已又披覽圖牒景仰賢豪坐子陵之釣臺清風習習盈江渚間令人毛髮豎立有飄然人外之想瞻希文之遺像可想其恢宏沉毅舉宇宙內利害劇易之務一力擔當而毫無阻難蓄縮之意雖其他名賢循吏未易悉數即此兩君子高標偉伐輝映古今他郡邑不當遑十舍哉蓋人文地靈默相感召果其人足為世重即

無矯異標奇而名山大川必且藉以吐露姿色苟為不然雖丹崖碧嶺前代所稱為絕勝者亦若有沍涅封蔽纏綿邈却之狀理有固然無足異也閱兩禩政通人和百廢具舉而獨所謂郡志者自前守蓉江楊公纂修以來迄今三十餘年間紀載多闕余不覺慨然曰是不處久而無徵耶因與諸同寅及六邑令悉心采訪時郡有俞生炳然素稱博雅屬之鉉次補苴以俟後之君子會楊公哲嗣致吾秉憲臬司尊人之芳懿益著當書成之日請一言弁諸首而以俚語附末簡抑因是而有感焉夫志猶史也史以褒貶褒貶辨若蒼素弗可易也自秦郡縣以來官斯土者不知

嚴州府志

二

凡幾居斯土者亦不知凡幾而某也賢某也不肖如從雲耳譜高曾一一可指數焉後之視今不猶今之視昔耶余謂清任皆人所命而非君子所自居譬之造化露溥月湛豈以清名地負山凝豈以任顯至人之心緇白宸隆都無名柝而世俗就其近似者摹之為清為任此非君子之願而亦世道之幸也嗟嗟男子七尺之軀負荷謂何余雖以清任願其堂勉希前哲而捫心自省清耶任耶無清任名者耶尚茫乎未有實處也余懼貽山川羞矣敢并以告同志者

錢序

郡守 錢廣居 太倉人

書以誌言亦誌其蹟而不雜質而可稽條分焉而有
典要絕類應邵紀泰山封禪事固稱重也其誌山川
雲物天人法紀又恍若漁人從桃花源來雞豕桑麻
應歷可數乃栩栩然覺有靈氣故纂誌書之難較他書
更倍嚴州郡志自萬歷年續修於平陵呂公迄今三
十餘載後遇方兵作崇原板半燬於祖龍半沈之穢
阱山川人物盡屬烟銷闕文之憾又不止在魯魚帝
虎間也嚴雖褊壤有民人焉有社稷焉若令先代文
獻無徵不信其何以令後之人不替唏噓憑弔之思

嚴州府志

乎因與諸同寅及六邑令長謀新之而又色然沮也
蓋此書關一郡風教昵於獨則慮管窺之難以測海
稽於眾則又患築舍之淆於道旁法從嚴則遺珠漏
網之懼深法從寬則石媚玉溫之辨混故與其新也
甯舊貫不愆不忘率由舊章予小子所以遵前人之
法而不敢過也間有一二逸事堪為誌中點綴畧存
之以備參考齊人既有事於蜚林必將有事於泰山
禮也予甯守禮以俟後之君子焉爾

任序

知府 任風厚

古來遷固稱良史才遷始創為八書其後固易書為
志識者謂修史莫難於志則郡國之志視此矣我
皇上御極二十二年者定功成東西侯尉大化翔洽爰命
修一統志以釐定章程整齊倫類與禹貢周官並垂
不朽廷臣謂各省通志文獻所關下其事於郡國風
厚承乏守郡欣與
盛典竊謂郡之視省猶邑之視郡遂進六屬之長而往
復董率且以踰期為戒復敦聘宿儒吮墨含毫焚膏
繼晷甫匝月而告竣大抵志之所載方輿賦役禮祀

嚴州府志

學政諸書有待於更定者不過十之二三惟官師人
物二志每每見聞異詞愛憎失實非才學識兼長不
能勝任而愉快然于百年間若宋璟杜牧范仲淹曾
蒞茲土宋杜遠矣而文正公之遺澤猶能道之則記
秩官者非徒驚乎其名也至風厚泛棹嚴灘登子陵
釣臺徘徊憑弔與謝臯羽墓橫對大江乃知此邦名
賢高士實有廉頑立懦者興起於前而科名相業自
宋元以後無出商文毅右者即如比歲甲寅寇亂瀆
送諸邑與三衢接壤罹禍最先一時烈婦貞女孝子
順孫雖各縣詳載志中而蒐羅未及者亦恆有之況

前此零落於殘編斷簡之中湮沒於故老遺黎之口
者可勝道哉故於載筆之條斟酌損益不敢濫予以
傳是不敢失覈以傳疑旁搜博採兼聽並觀以期月
之徵求欲補數百年之缺失豈無掛一漏萬貽譏作
者夫亦惟是總其大綱俾方輿賦役禮祀學政之屬
匪若列眉而於官師人物一篇之中尤兢兢致慎庶
賢者以有所表彰而知勸不賢者以無所紀載而知
懲亦不無少補於萬一也歟時

康熙二十二年歲次癸亥桂月

諭授中憲大夫嚴州府知府加二級關中任鳳厚撰

嚴州府志

二

毛序

國朝 毛際可 遂安 進士

陸志舊無可攷即明李公德恢癸丑志本亦散軼不
傳厥後惟明呂公昌期志最爲明備嗣是紀載闕然
至

皇朝康熙癸丑而始奉修志之檄繼值軍書旁午纂輯之
務遂至中輟癸亥春三月

皇上睿定告成海宇清晏復敕直省各以通志進而文獻
之徵尤以郡邑爲準郡伯任公聞

命警惕清言從事取六邑之掌故而集其成爰敦聘名儒
開局試院聽政稍暇相與斟酌損益焉而際可濬與

嚴州府志

珥筆之列例得弁言簡端夫郡邑有志猶國之有史
然史一成而不可易而志則不可以不屢修者何也
蓋郡邑之志父老子弟傳聞異辭既不若史臣之聞
見最真而殘篇斷碑銷蝕湮滅於風雨榛莽之間者
又不若會典之頒布可久則因時蒐羅無致失墜俾
後來者有所稽考固賢守令之任也即如吾睦踞浙
上游夙稱都會名卿碩士先後比肩數十年來法制
之修明田賦之懇闢與夫孝子烈婦之流芳端人正
士之懿行已有不可勝述者甯得不急爲編輯也哉
際可章句鄙備三長滋愧又以

功令嚴切罔敢逾期而各憲見委繼此復有兩浙通志
之役午夜篝燈寢沐幾廢由創始以迄觀成屈指即
在旬月疎畧之愆或所難免然而核名實昭勸懲取
舍必嚴愛憎不徇於官師人物之紀尤兢兢致慎以
無失儒先著述之遺意且念
皇朝一統之志亦將於此有取焉不敢以負素心者并負
國憲或庶幾可以告無罪也夫

嚴州府志

吳序

戊辰之冬余蒞磨

簡命出守嚴郡抵任之後見一郡之紳士人民沐浴

聖天子之深仁厚澤久道化成戶尚詩書家敦禮讓田野開闢

治法簡明未嘗不稱羨為浙中一名郡也因思六睦事跡

悉載郡乘必取全志觀之然後斟酌損益措施蓋善乃志

書板片久已無存府庫所貯者祇有前守任公風厚抄錄

府志一部書為草創底稿字句之間頗多舛錯且任藁輯

於康熙癸亥至今已七十餘載余取而閱之不禁慨然

太息蓋為治之道莫先於志乘今自任守以前一郡之事

嚴州府志

跡僅得於殘編斷簡之中畧存梗概而自任守以後至今

七十餘年一郡之山川名勝田賦戶口土產風俗人物藝

文漫無紀錄散佚甚多若再遲之又久必至烟消雲散無

可參稽余既忝居郡守安可不亟為編輯乎爰是聘請名

儒開館纂輯共計三十五卷析其類為十有五分類畫界

上關於天文下列乎地紀故以星象建置列於前形勢名

勝襟帶乎六睦輪奐於千秋故以封域營建列於次人才

首在樂育經曲尤貴脩明則繼之以學校典禮殷薦當嚴

其制田賦預定其規則繼之以秩祀貨食設官分職所以

子惠元元也而若官師若遺愛若武備不可以不詳廷獻

家脩所以風勵士庶也而若選舉若人物不可以不載博考參稽鉅細靡遺祥雜技散見於稗史者亦在所不廢也又以逸事附於其後若夫六睦爲人文淵藪博物君子後先相望詩文著述名作如林雖彬彬郁美不勝收而擇其有關於民生有裨於風化者分爲藝文上中下三編以昭一郡文明之盛焉總之余脩此志凡任稿所本有者刪節其繁蕪增益其缺失凡任稿所本無者廣詢乎羣賢博採於輿論芟膏繼晷貫珠聯務使考證詳明著述嚴謹不敢少有罣漏庶乎可以信今而傳後夫宣揚

聖天子之紀綱制度永垂萬世表章都人士之嘉言懿行昭示

嚴州府志

來茲者固守土者之職也余豈敢以謏陋無文因循怠廢以自貽曠官之責乎此志原本任稿又加以七十餘年之事跡紀載繁多初若汗牛充棟而纂輯成編爲文更減於舊志文筆不敢縱放持論尤歸簡嚴庶幾乎昔賢事增於前文省於舊之遺意也是爲序

乾隆二十一年歲次丙子

賜進士出身

誥授中憲大夫浙江嚴州府知府紀錄九次大興吳士進謹序

胡序

聖天子奉三無私以勞天下丕冒海隅出日罔不率俾百爾有位莫不敬爾在公夙夜兢兢以仰贊

邦隆無外之軌猗歎可不謂極盛者乎維 郡伯吳公既蒞睦之六年德溥而惠流教行而化洽固已士頌民歌織悉無憾矣乃猶念典章之垂範政俗之大綱非取資志乘不爲功而舊有郡志以歷歲久遠漫漶幾闕亟賴增修庶足考鏡得失信於今而傳於後爰慨然特取而釐訂之彙羣材之心力經寒暑之兩週損益簡繁酌飽滿而觀厥成焉洵乎得爲政之本務者而非淺淺粉飾乎治具之爲之也顧余于此竊有說焉今夫仕與學一貫也亦兩途也士人學古入官初則究心浩渺往往汎濫無涯迨一行作吏毋亦惟是程衡律令料檢簿書以整率吏民以期無瘵厥職如是已矣若夫居今稽古考獻徵文則遜謝未遑耳今 吳公聽政餘閒獨晨夕手是編博稽眾論翻覆研求有逾於經生之所不屑措意者即單詞隻義猶必折衷歸於至當雖以書源之不敏而亦得與參末議焉斯誠足以見其志之虛而功之勤且密也其學優而仕者耶抑仕優而學者耶殆未有以測之矣

嚴州府志

抑吾聞嚴陵以人傳地不以地傳人閱是編者尙其
 尋源探本游神篇籍之外而恍然有會於已成之金
 鑑穆然深味乎致治之良圖而用以永昭我
 聖朝一道同風之盛且爲後此採風者樹之型焉庶是編
 未必無補云爾書既成例得綴數言附於簡次以誌
 梗概亦猶蟋蟀附驥而馳響於千里也乾隆丙子孟
 秋山陰胡書源拜手謹序

嚴州府志

二

纂修嚴州府舊志姓氏

纂修嚴州府知府楊守仁

呂昌期

任風厚

協修 同知龔天申 唐仲賢

通判趙重孜 周士鰲 劉美

推官宋行可 陸卿榮 李嘉賓

建德縣知縣郝光輔 何普

淳安縣知縣潘雲鳳 李光德

遂安縣知縣韓成 盧鳳翔

嚴州府志

壽昌縣知縣周翰

桐廬縣知縣劉二典

分水縣知縣王璞 游之光

嚴州府儒學教授張文炤

嚴州府儒學訓導孫國朝

總編

四川布政司左叅政徐楚

河南彰德府推官改祥符縣毛際可

校勘

建德縣儒學生員俞炳然

重修嚴州府志姓氏

纂修

嚴州府知府紀錄九次吳士進書順天大興縣人進士

協纂

嚴州府同知史鳳輝南江南荆溪縣人舉人

嚴州府同知文德滿洲鑲白旗人

參訂

建德縣知縣王賓寬江南太倉州人副榜

建德縣知縣王三鑑華江南上元縣人舉人

淳安縣知縣劉世甯翰江西新淦縣人進士

嚴州府志

遂安縣知縣李成渠萬廣東饒平縣人舉人

壽昌縣知縣鍾沛霖廣東長樂縣人監生

桐廬縣知縣王德讓謙山西陽曲縣人舉人

桐廬縣知縣沈全達江南如皋縣人貢生

分水縣知縣劉開壽燾江西上猶縣人貢生

協訂

嚴州府儒學教授孫王綸初嘉興嘉善縣人進士

嚴州府儒學訓導項紹溫州瑞安縣人貢生

建德縣儒學教諭諸克任伊杭州錢塘縣人舉人

建德縣儒學教諭沈夢龍湖州烏程縣人舉人

建德縣儒學訓導劉彭年衡州西安縣人貢生

總編

原任廣西博白縣知縣胡書源裕紹興山陰縣人舉人

分編

嚴州府儒學教授孫王綸初嘉興嘉善縣人進士

建德縣儒學教諭諸克任伊杭州錢塘縣人舉人

原任廣西平樂縣知縣應德廣在嚴州建德縣人舉人

江南太倉州監生徐庚

江南婺源縣儒學生員吳士達

江南荆溪縣儒學生員史承豫

嚴州府志

監局

建德縣貢生候選訓導詹肇衍

建德縣儒學生員夏嵩年

建德縣議敘州同張起運

遂安縣貢生方希壽

校勘

紹興山陰縣儒學生員趙連城

順天大興縣例監吳紹銓

紹興山陰縣監生胡述鸚

建德縣儒學生員王大朋

建德縣儒學生員余朝棟

建德縣儒學增廣生員王耀宗

建德縣儒學廩膳生員喻大成

嚴州府儒學增廣生員安世勳

建德縣儒學廩膳生員宋鴻勳

建德縣儒學增廣生員吳煥章

建德縣儒學生員馬大傲

建德縣儒學廩膳生員王象賢

建德縣儒學增廣生員王繼宗

建德縣儒學生員馬守域

嚴州府志

建德縣儒學生員余萬錦

建德縣儒學生員楊緝熙

建德縣儒學生員陳日光

建德縣儒學生員余朝檢

建德縣儒學生員王葵忠

遂安縣儒學生員毛守勤

遂安縣儒學生員姚殿珍

遂安縣儒學生員汪振瑞

壽昌縣儒學廩膳生員方傳恩

壽昌縣儒學廩膳生員方廷燧

三

壽昌縣儒學增廣生員翁作楫

壽昌縣儒學廩膳生員洪廷機

壽昌縣儒學生員翁作楷

壽昌縣儒學增廣生員吳肇楡

監梓

考授正九品史職蔡九思

督梓禮吏程景宗

王珩

陳世鴻

湯廷楡

嚴州府志

四

docsriver 文川网
入驻商家 古籍书城

在文川网搜索古籍书城 获取更多电子书

重刊嚴州府志并續增纂修姓氏

督修

花翎三品銜分巡金衢嚴道 聯 綬

主修

三品銜補用道知嚴州府事調補杭州府知府 吳世榮

協修

補用府 嚴州府 同知 俞翔麟

補用同知前署建德縣知縣 申 祜

補用直隸州知州建德縣知縣 劉毓森

同知銜現任諸暨縣前署清安縣知縣 倪望重

嚴州府志 重刊姓氏

補用同知清安縣知縣 李 詩

同知 銜前 遂安縣知縣 韓開南

補用府署遂安縣知縣 左元鼎

同知銜前署壽昌縣知縣 劉 澍

四品銜候補同知署壽昌縣知縣 吳京培

同知銜現任蕭山縣前桐廬縣知縣 蕭文斌

同知銜 署桐廬縣知縣 嚴善孫

同知 銜分 水縣知縣 彭 璠

續增纂校

嚴州府 儒學 教授 鄒柏森

嚴州府 儒學 訓導 馬斯斌

遂安縣教諭辛亥 恩科舉人 吳 敦

前署 桐廬縣 教 諭 朱文炳

桐廬縣 教 諭 高鵬年

前署分水縣教諭 乙丑補用 恩科 舉人 許仁杰

校對

建德縣教諭辛亥 恩科舉人 俞寅春

建 德 縣 訓 導 朱希鳳

續增採訪

遂 安 縣 訓 導 趙 澍

嚴州府志 重刊姓氏

壽 昌 縣 訓 導 楊友聲

前署開化縣教諭建德縣歲貢生 張心燾

就職教諭建德縣副貢生 包汝超

前署海甯州學正建德縣歲貢生 洪 誥

署山陰縣教諭建德縣拔貢生 吳逢慶

候選訓導建德縣 恩貢生 童際昌

候選訓導建德縣歲貢生 王慶奎

建 德 縣 歲 貢 生 吳拱照

建 德 縣 恩 貢 生 汪 椿

建 德 縣 恩 貢 生 張進修

建德縣歲貢生鄭彥

中書科中書銜建德縣增貢生陳元善

建德縣學優廩生鄭帶

建德縣學廩生蔡汝懋

建德縣學附生阮士杰

建德縣學附生洪慶鸞

壽昌縣歲貢生蔣此培

督梓

六品銜府經歷王家衡

建德縣典史藍榮

凡例

一郡志於康熙二十二年歲癸亥知府任鳳厚奉檄修葺至戊辰甫謀脫藁而規模粗定未及授梓竟復中輟今所撰草本雖梗概畧具而徵文考獻頗多致失爰折衷新舊底本更不憚廣搜博採而參稽之以庶幾傳信之義蓋言慎也

一建置沿革為全志綱領舊志隸方輿條內凡郡縣代有沿革之處絲絲縷縷參錯難稽茲畧仿史記例悉為列表冠年代於上而以郡縣附其下俾閱者一覽瞭然仍附列郡縣緣起并命名始末於後尤覺明豁

蘇州府志

詳備

一城池公署水利亭閣之類舊志入經畧款任藁譏其無當義例誠然今附亭閣於古蹟歸水利於封城而以城池公署等八條統歸營建似較穩妥

一人物舊志以鄉達先分上下卷而另列理學儒林忠義孝友等十則於後首尾似成兩楹夫人物莫大於忠孝豈轉不得與鄉達齒而鄉達所稱亦豈有加於理學忠孝耶茲不分窮達仕隱畧以人品才德重輕為次庶不失本末先後之意

國朝

聖謨洋洋冠絕千古凡恩綸錫恤誕被嚴郡者恭稽詳載用觀食貨之成凡以誌殊恩異數昭垂百世不敢輕入藝文條懼褻也

一藝文所以昭治行詳風土錄品望採議論而後登諸簡冊俾足為風教之勸非徒紀其文辭侈彪炳之觀也茲編凡無關郡邑利弊興革者卷帙繁多不及備載間有敘記題咏未便闕遺者即於各條下別為細楷因類附錄以資考鏡云

蘇州府志

二

顯靈異護國佑民者悉為登錄其餘不能備載

一藝文相傳既久輾轉刊抄不無魯魚豕亥必當考證舊本改正間有字句疑義難解新舊本又一轍別無考訂者仍照原本存疑以俟高明訂定不敢輒為增減其近代時賢撰著偶遇可疑或稍為損益數字以期明快庶不沒昔人著述之苦心也

一選舉首重薦辟制科由來尙矣其有以他途進者大都由庠序入成均或授職京員佐貳或別著政蹟立傳者約為登錄其餘吏雜考職等項實繁有徒不遑備載

一貢監例仕而外凡屬弁員封蔭固已咸叨章服之榮
卽行學鄉閭而年登耄耋亦猶寓賢尙齒之意故
凡鄉飲眉壽或經縣志註明或就見聞所及特寬其
途悉爲登錄俾得附於選舉之末蓋善善欲長推而
廣之之義也

一節孝所以表揚壺德其已邀 旌典者固當光留簡
冊而僻壤窮鄉堅操苦志未經申報者亦或所在多
有茲特廣博蒐羅據各邑賚送隨時登載更不拘時
地後先序次特於己旌未旌之間稍分詳畧庶幾闡
發幽潛之意

嚴州府志

三

一 是編經始於甲戌孟秋竣事於丙子仲夏中間兩經
寒暑雖薈萃心力頗極勞動而山城罕有藏書既苦
援據之難且老成間寂無從諮詢僅惟追慕舊本掇
殘拾漏補苴連綴稍復益以新裁竊慮不醜不備因
陋貽譏誠未敢自詡爲完書謂毫髮無間也

析津吳士進書登氏識

嚴州府志重刊凡例

一郡城自流寇蹂躪以來半多傾圮同治十一年前守宗請欵建築堞堡一新惟南城臨江地近罕窳每遇大水輒有欵損幸歷磨斯土者時勒修葺防禦堪資各邑城池規復如舊

一學宮郡庠自匪擾後僅存椽棟檁樞經前守戴請撥善舉欵項建復始則規模粗具繼乃次第增新各縣學宮籌欵無多或僅安位主或先建殿廡建德縣學宮燹後無存而戶口凋殘未克集資營建因同隸郡城朔望及春秋二祭均附於府

嚴州府志重刊凡例

文廟釋菜成禮茲俱從舊刊刻冀他時文教日隆復起大工咸知定式

一衙署自經兵燹俱為燬燼同治元年復城後郡中僅建府協二署同知都司以下等官或賃民居或棲祠宇外邑縣衙漸次修整建德縣署雖經領欵而人稀地瘠加以頻年水旱裒建無資未經興造願從此時和歲豐經營復舊

一試館自遭寇燬蕩焉無存戴前守以雙峯書院燹餘舊屋畧加修築增設東西文場暫為校課士子之地然號舍窄狹不敷生童坐試光緒元年前守

宗請以舊址建復規模如前

一廟祠寺觀橋梁津渡克復後存少廢多其人祀典各廟及往來利濟要道均經建設

一戶口田賦同治元年克復城池郡中戶不滿百丁不盈千各邑惟涇遂之民稍多建壽桐分尤為凋敝近雖生齒漸繁續為開墾半皆涇遂兩縣之民分遷四邑及江右並溫台處三府客民播種然春來秋徃恆有欠賦負租總計荒田猶不止十成之四今照舊刊俾知定額

嚴州府志重刊凡例

一自乾隆丙子至今官師姓名以及政績教澤卓卓應列傳者代不乏人第涇遂壽桐各志均成於乾隆二十二年此後未經修纂惟建德志成於道光戊子分水志成於道光乙巳爰就二志並見聞所及有案可稽之官師姓氏續增於十一卷後列傳因無可採輯概不增補選舉人物倣此封贈校不勝舉均未補纂

一兵制協署存有舊案今將歷次裁減續增於卷十四後武職姓氏並附

一列女今照建分二志並各學及紳士採訪舉報者概行輯入

一藝文自乾隆至今鴻文鉅製代有名賢惟自兵燹後世族式微無可搜訪概未增補

一咸豐庚申辛酉粵寇犯嚴其官師將弁紳民婦女

死難陣亡者甲於他郡宗前守會檄府建兩學訓

導馬蔚青斯臧朱益甫希鳳於浙江忠義錄中摘

錄嚴屬殉難姓名以及官紳婦女各傳彙成一書

遂安教諭吳聞莊敦於忠義錄之外復採訪得若

干人名爲傳合舊錄增修三卷以彰潛德

一是書開雕於光緒壬午五月癸未八月工竣續增

各卷皆賴鄒教授經理以總其成而纂修校正半

嚴州府志 重刊凡例

三

出馬吳朱高許諸廣文手惟是山城瘠郡經費無

多兼榮將調守武林迫於日時限於採訪其補闕

糾繆深有望博雅大加考訂也

桐城吳世榮春泉氏識

嚴州府志卷首

輿圖

嚴州府總圖

建德縣圖

清安縣圖

遂安縣圖


壽昌縣圖



桐廬縣圖

分水縣圖

嚴州府志

卷首





遂安縣圖

西至徽州府休寧縣界七十里



壽昌縣圖

西至遂安縣界七十五里

里九十七界縣西南州衛至南

里十四界縣游北府州衛至南

里十五界安清至北



嚴州府志目錄

首卷

序 姓氏 重刊續增姓氏 凡例 重刊凡例 圖

卷之一

星野

卷之二

建置 沿革表 郡縣名表 分屬考

卷之三

封域上 形勝 道里 山川

卷之四

嚴州府志 目錄

封域下 鄉都 水利 古蹟亭閣附 風俗

卷之五

營建 城池 公署 倉儲 驛站 舖舍 津梁 坊表 養濟

卷之六

學校 學宮 學田 書院 義學

卷之七

典禮 鄉約 慶賀 開讀 鞭春 救護 祈禱 上任 行香 祭祀 賓興 耕藉 鄉飲

卷之八

秩祀 廟祠 寺觀 壇壝 塚墓

卷之九

食貨 戶口 田賦 物產 蠶絲

卷之十

官師上 郡職 郡佐 縣職 縣佐 教授 訓導

卷之十一

官師下 郡職 郡佐 縣職 縣佐 教授 訓導

卷之十二

遺愛上

卷之十三

遺愛下

卷之十四

嚴州府志 目錄

武備

卷之十五

選舉上 薦辟 進士 特奏名 舉人 武進士 武舉 貢生 封廕 武職 例仕

卷之十六

選舉中

卷之十七

選舉下 鄉飲 眉壽 續增選舉附 附鄉飲 附眉壽

卷之十八

人物上 勲德 正直 忠節 經濟

卷之十九

人物上 儒林 孝友 文苑

卷之二十

人物中 武畧 義行 隱逸 流寓

卷之二十一

人物下 列女

卷之二十二

佚事

卷之二十三

藝文上一 府 制詔 奏疏

卷之二十四

藝文上二 府 劄書 記

藝文上三 府 序 雜著

卷之二十五

藝文上四 府 詩

卷之二十七

藝文上五 府 賦

卷之二十八

藝文中一 建 疏 記 序 雜著

卷之二十九

藝文中二 瀆 記

卷之三十

藝文中三 瀆 序 雜著

嚴州府志

目錄

三

藝文中二 瀆 記

卷之三十一

藝文中三 瀆 序 雜著

卷之三十二

藝文中四 瀆 表 疏 記

卷之三十三

藝文中五 瀆 序 雜著

卷之三十四

藝文下二 瀆 記 序 雜著

卷之三十五

藝文下三 瀆 記 雜著

卷之三十六

忠義上 官師 將弁 紳士

忠義下 官師 將弁 紳士 婦女 義民

卷之三十七

忠義下 官師 將弁 紳士 婦女 義民

卷之三十八

忠義傳

卷之三十九

忠義傳

嚴州府志

目錄

四

docsriver 文川网
入驻商家 古籍书城

在文川网搜索古籍书城 获取更多电子书

嚴州府志卷之一

星野

在天為星辰在地為疆域星野所由名也九州之士皆配星九州之野皆有分說在周禮保章氏詳矣昔唐虞命官齊政其要在欽若在敬授而洪範修皇極飭五事則法堯之欽若也幽風咏流火單襄引駟見則法堯之敬授也郡國雖一隅而休咎應焉法戒昭焉嚴郡當吳越之交躔次星紀於辰在丑屬揚州無可疑者而斗牛女三宿分屬星紀說往往異分野吳越亦參差不一天象元渺莫可臆斷因備採諸說以

嚴州府志

卷之一 星野

俟夫精甘石之學者詳焉志星野

嚴州府

六縣

周禮保章氏註星紀斗牛吳越分野屬揚州

爾雅星紀斗牽牛也

註牽牛者日月五星之所終始故謂之星紀

左傳歲在星紀

註星紀在丑 昭公三十二年夏吳伐越史墨曰越得斗牛之次

歲而吳伐之必受其凶註云此年歲在星紀吳越之分也歲星所在其國有福吳先用兵故反受其殃

按斗十二度至須女七度為星紀吳越二國雖同占星紀而度數則異當時歲星必歷斗至牛去吳地如

越境故註史墨有越得歲吳先用兵之論田叔禾云歲星時在牽牛

史記斗江湖牽牛婺女揚州

註南斗為吳越之分野又爾雅云須女謂之婺女正義云須女四星亦婺女大少府也南斗牽牛須女皆為星紀於辰在丑越之分野而斗牛為吳之分野漢書斗吳分也又為粵

漢書地理志吳地斗分野也粵地牽牛之分野也

按史記南斗為天廟又云斗江湖其占不及郡國也今云斗吳分也又牽牛為粵則占郡國以之矣

後漢書牽牛主吳越又云南斗為吳

晉天文志魏太史令陳卓言郡國所入宿度自南斗十

嚴州府志

卷之一 星野

二

二度至須女七度為星紀吳越之分野屬揚州註云費直起斗十度蔡邕起斗六度又陳卓范蠡鬼谷張良譙周京房張衡並云斗牽牛須女吳越州內會稽入牛一度

唐天文志星紀得雲漢下流百川歸焉故其分野自南

河下流涉江淮為吳越窮南紀之曲東南負海為星

紀

按一行之說其言星紀太闊與班孟堅同錄之以備參考

又曰南斗牽牛星紀也

按漢晉隋星紀皆兼斗牛女三星此遺婺女與前異又咸淳云班固取三統志十二次配十二度其說雖

詳然未及度數至魏陳卓取費直等說然後分某起某度至某度及唐一行兩戒之說分南北河及吳越間以雲漢紀之則其術詳矣然晉唐二史所指吳越度數亦有異豈乾象推遷前後或有差殊耶

宋史兩浙路當天文南斗須女之分

按隋取南斗牽牛退須女此又取須女退牽牛與前異

元史斗四度三十六分六十六秒外入吳越分星紀之

次

明一統志自斗三度至女一度入吳越分揚州

按古天官家州郡躔次載吳越揚州為斗牽牛須女會稽郡實入牛一度與一統志不同

國朝推步最精採西法而加折衷焉以嚴郡入斗三度言

天官者殆莫可易矣

嚴州府志

卷之一 星野

三

論曰百物之質附於地而精見於天地有州域天有

列宿是以唐虞在璣衡以齊七政分命申命凡以敬

授人時也勤民莫先敬天故特設靈臺專官以窺星

測象秦漢以還大抵轉相祖述而躔次約畧不殊分

宿或多參錯如嚴郡為揚州南境當吳越界而斗牛

女三宿分屬星紀處其說已微有不同至三宿分隸

吳越境又間有各異甚者一代之書一人之說或前

後紛岐或毗連牽互如袁坤儀言躔次相配者少相

反者多青州東元枋在北雍州西鶉首在南又吳越

南而星紀北之類其說並難悉曉或謂測地者午南

子北測日晷者午北子南今吳越南而測者丑辰正

與測日晷同術此一說也又唐一行日懸象在天其

本在地星之與土以精氣相屬而不係於方隅此又

一說也蓋天文微渺難窺前代推測各殊今亦莫能

確指其疎密失得或氣運推遷天道未可執一以求

當因時而定耶抑文人術士互有短長當分別觀耶

爰採集諸家異同俾習禪竈梓慎之學者有所鑒觀

以審其氣候察其祲祥而昭為法戒庶有補於欽若

之意也夫

嚴州府志

卷之一 星野

四